

Fréttatilkynning:

**Afstaða Samtaka fyrirtækja á veitingamarkaði (SVEIT) vegna verkabanns
SA á félagsmenn Eflingar 22. febrúar 2023.**

SVEIT hefur tilkynnt Samtökum atvinnulífsins að fyrirtæki innan vébanda SVEIT telja sig óbundin af ákvörðunum á vettvangi Samtaka atvinnulífsins um verkabann óháð niðurstöðu atkvæðagreiðslu um það.


Félagsmenn SVEIT telja 150 rekstraraðila á veitingamarkaði sem reka um 240 veitingastaði á starfssvæði Eflingar eða sem talið er svara til 55% allra starfa á þeim markaði.

Samtökin hafa ekki fengið sæti við samningsborðið né tekið þátt í kosningu SA um verkabann þrátt fyrir að vera stærstu hagsmunasamtök fyrirtækja á veitingamarkaði. Þar af leiðandi geta samtökin ekki stutt aðgerðir sem hafa það markmið að skila kjarasamningi sem við höfum ekki fengið til yfirferðar né athugasemda.

Eins og kemur skýrt fram í körfu SVEIT til kjaraviðræðna þá hefur SA ekki umboð til gerðar kjarasamnings fyrir hönd fyrirtækja SVEIT. Þótt stéttarfélag vilji gera kjarasamning við SA þá getur slíkur samningur ekki skapað félögum Eflingar réttindi.

Sé vilji stéttarfélaganna til að semja um kjör starfsfólks innan sinna vébanda sem starfa hjá fyrirtækjum í SVEIT er eina leiðin til þess að ganga til viðræðna við SVEIT.

Fyrir hönd stjórnar Samtaka fyrirtækja á veitingamarkaði,



Aðalgeir Ásvaldsson
Framkvæmdastjóri SVEIT



Staður og dagsetning